

中華律藏

中華律藏

第五卷

歷代大藏經律部文獻・印度撰述（五）

國家圖書館出版社



根本說一切有部尼陀那卷第一 第一 尊一

唐三藏法師義淨奉 詔譯

大門揔攝頌曰

初明受近圓 次分亡人物 圓壇并戶鈎

菩薩像五門

別門初揔攝頌曰

近圓知日數 界別不入地 界邊五眾居

不截皮生肉

第一子攝頌曰

近圓男女狀 非近圓為師 難等十無師

莫授我七歲

尔時薄伽梵在室羅伐城逝多林給孤獨園

具壽鄒波離來詣佛所禮雙足已在一面坐

合掌恭敬白佛言世尊若苾芻與他受近圓

時彼若根轉得名善受不佛言是受近圓應

可移向苾芻尼處

復次世尊若苾芻與他男子受近圓時而此

男子作女人音聲女人意樂及形狀法式此

人得名為受近圓不佛言鄒波離是受近圓
諸苾芻得越法罪

若苾芻尼與他女人受近圓時而此女人作
男子音聲男子意樂及形狀法式此人得名
受近圓不佛言是受近圓諸苾芻尼得越法罪
若以不受近圓人為親教師此人得名受近

圓不佛言是受近圓諸苾芻得越法罪

若人身有難事自言我有諸苾芻為受近圓

此人得名受近圓不佛言不名受近圓諸苾

芻得越法罪

若人身無難事自言我有諸苾芻為受近圓

此人得名受近圓不佛言是受近圓諸苾芻

得越法罪

若人實有難事自言我無諸難苾芻為受近

圓此人得名受近圓不佛言不名受近圓諸

苾芻無犯

若人實無難事復自言無諸苾芻為受近圓

此人得名受近圓不佛言此名善受

若苾芻與出家者未受十戒而受近圓此人得名受近圓不佛言是受諸苾芻得越法罪若人受近圓時親教師不現前諸苾芻為受近圓此人得名受近圓不佛言是受近圓諸苾芻得越法罪

若人受近圓時作如是語莫授我近圓諸苾芻為受此人得名受近圓不佛言非受近圓諸苾芻得越法罪

如世尊說若人年滿七歲能驅烏鳥應與出家者大德若有童子年始六歲於僧食厨能驅烏鳥此人應與出家不佛言許滿七歲此不應與若滿七歲不能驅烏鳥與出家不佛言

不應許不能驅烏鳥故

第二子攝頌曰

日數每應知 告白夜須減 六日十八日 說戒不應頻

尔時佛在室羅伐城有婆羅門居士等至苾芻所問言阿離耶今是何日答言不知諸人

告白聖者外道之類於諸日數及以星曆悉皆善識仁等亦應知日數星曆云何不解而為出家遂默不答諸苾芻以緣白佛佛言我今聽諸苾芻知日數星曆時諸苾芻悉皆學數星曆及以算法便生優亂廢修善業佛言應令一人學數雖聞佛教不知誰當合數佛

言應令眾首上座數之是時上座忘失其數使知事人亦不能憶佛言可作泥珠或作竹籌滿十五枚每日移一如此作時被風吹亂佛言應取十五枚竹片可長四五指一頭穿孔以繩貫之掛壁要處每日移一時彼舉眾皆共移籌佛言上座及知事者應移時有婆

尊一

三

羅門居士至苾芻所問言聖者今是何日彼便報曰仁今可問上座及知事人諸人告曰仁等亦有計番當直知日人耶時諸苾芻默然無答以緣白佛佛言應可作白告眾人時諸苾芻隨處作白佛言不應隨處作白然於眾集在上座前而為秉白大眾應知今是



月一日諸俗聞說復云仁等豈可不說半月黑白分耶答言不作苾芻白佛佛言當稱黑白月分應如是說若於晡後大眾集時令一苾芻於上座前合掌而立一心恭敬作如是白大德僧伽聽今是黑月一日仁等應為造寺施主及護寺天神并舊住天神各誦經中

清淨妙頌時諸苾芻雖復日日告白不稱造寺施主名字佛言當稱造寺施主名字亦應稱說明日設食施主名字令彼施主所願隨意福善彌增若更有餘施主皆同此說及餘天眾八部之類師僧父母皆悉稱名普及一切眾生皆令福利增長時諸苾芻聞是語已

即皆各說清淨伽陀曰

所為布施者 必獲其義利 若為樂故施

後必得安樂 菩薩之福報 無盡若虛空

施獲如是果 增長無休息

時有施主請諸苾芻當設供養苾芻知已不為宣告施主名及以住處佛言應預宣告施

主名字云施主某甲明日當為大眾設食住其某處復有婆羅門居士至苾芻處問言聖者今是何日答言是十五日彼復問曰時人皆云十四日如何仁等言十五耶豈可苾芻不為減夜答言不作時諸苾芻以緣白佛佛言應為減夜時諸苾芻頻於半月而為減夜

俗人問言聖者今是何日答是十四彼言聖者時人皆云十五日如何仁等頻於半月而為減夜時諸苾芻以緣白佛佛言汝等不應頻於半月而減其夜然須計時過月半已應為減夜謂從正月十六日至二月十五日為半月減一夜從二月十六日至三月十五日為半月減一夜其小月餘皆依此為東西不同故

尊一

四

如是一歲揔有六日是十四日有六日是十五日為長淨事時有婆羅門居士來問苾芻曰聖者今是何月答言今是室羅末拏月至六月十五日已去彼復問言聖者諸人咸云阿沙荼月至五月十五日仁等乃云室羅末拏月豈可仁等不為閏月耶答言不為人皆共

笑時諸苾芻以緣白佛佛言應為閏月時諸
苾芻於每年中恒為閏月俗人來問聖者今
是何月答言是阿沙茶月彼復問言聖者諸
人咸云今是室羅末拏月仁等乃云是阿沙
茶月豈可仁等於每年中為閏月耶答言如
是同前譏笑苾芻以緣白佛佛言不應於年

年中而作閏月應至六歲方為閏月

即是五
六當三

十月此謂古
法與今不同時有國王至二年半便為一閏

苾芻不隨人共嫌耻佛言苾芻應隨王法為
其閏月若星道行參差者亦應隨其星道而
數用之是故汝等應可識知日月星分與俗
同行令諸外道來求過者不得其便大德頗
有苾芻住處令授學人得說戒不佛言不得
第三子攝頌曰

界別不告淨 亦不為羯磨 乘空不持欲
解前方結後

尔時佛在室羅伐城具壽鄒波離請世尊曰
住界內人得向界外者告清淨不佛言不得

尊一

五

住界外人得向界內者告清淨不佛言不得
住界內人得為界外者作羯磨不佛言不得
住界外人得為界內者作羯磨不佛言不得
若有乘空持欲去時成持欲不佛言不成應
更取欲若不解前界得結後界不佛言不得
應以白四解前然後方結

第四子攝頌曰

不入界捨界 樹界有世尊 不越及可越

羯磨者身死

具壽鄒波離請世尊曰頗得以界入餘界不
佛言不得有幾種界不相涉入佛言謂小壇
場及現停水處并苾芻苾芻尼界此皆不入

若先結界有幾種捨法佛言有五一謂大眾
悉皆歸俗二謂大眾同時轉根三謂大眾決
心捨去四謂大眾俱時命過五謂乘白四羯
磨解得以一樹為二界標不佛言各取一邊
得為三界標式為四界標量知分齊皆得成
就尔時世尊在迦尸國人間遊行遇到一處

遂便微笑卅尊常法若微笑時即於口中出
五種色青黃赤白及以紅光或時下照或復
上昇其光下者至等活地獄黑繩地獄衆合
地獄號叫地獄大號叫地獄燒然地獄大燒
然地獄無間地獄炮形地獄連炮地獄阿吒
吒地獄阿呵呵地獄阿呼呼地獄青蓮花地
獄紅蓮花地獄大紅蓮花地獄如是等處若
受炎熱皆得清涼居處寒水便獲溫暖彼諸
有情各得安樂皆作是語我與汝等爲從此
死生餘處耶

尔時卅尊令波有情生信心故復現餘相彼
見相已成作是語我等不於此死而生餘處

然我必由希有大人威神力故令我身心現
處安樂既生敬信能滅地獄所有諸苦於人
天處受勝妙身當爲法器得見真理其光上
昇者從四大王衆天至三十三天夜摩天觀
史多天樂變化天他化自在天梵衆天梵輔
天大梵天少光天無量光天極光淨天少淨

尊一

六

天無量淨天遍淨天無雲天福生天廣果天
無煩天無熱天善現天善見天乃至色究竟
天於此光中演說苦空無常無我等法并說
二伽陀曰

汝當求出離 於佛教勤修 降伏生死軍
如象摧草舍 於此法律中 常爲不放逸

能竭煩惱海 當盡苦邊際

時彼光明遍照三千大千世界已還至佛所
若佛卅尊說過去事光從背入若說未來事
光從臂入若說地獄事光從足下入若說傍
生事光從足跟入若說餓鬼事光從足指入
若說人事光從膝入若說力輪王事光從左
手掌入若說轉輪王事光從右手掌入若說
天事光從齋入若說聲聞事光從口入若說
獨覺事光從眉間入若說阿羅多羅三藐三
菩提事光從頂入是時光明遶佛三匝從頂
而入時具壽阿難陀合掌恭敬而白佛言世
尊如來應正等覺熙怡微笑非無因緣即說

伽陀而請佛曰

口出種種妙光明 流滿大千非一相
周遍十方諸刹土 如日光照盡虛空
佛是衆生最勝因 能除憍慢及憂感
無緣不啓於金口 微笑當必演希奇
安詳審諦牟尼尊 樂欲聞者能爲說

如師子王發大吼

願爲我等決疑心

如大海內妙山王

若無因緣不搖動

自在慈悲現微笑

爲渴仰者說因緣

尔時世尊告阿難陀曰如是如是阿難陀非
無因緣如來應正等覺現微笑阿難陀此
地方所乃是過去迦攝波佛爲聲聞衆說法
之處時阿難陀聞是語已疾疾取七條衣疊
爲四重白佛言世尊我已敷座願佛知時可
於斯坐冀令此地有二正覺受用之處謂迦
攝波佛及今世尊佛告阿難陀曰善哉善哉
我雖不說汝自知時尔時世尊即便就座復
告阿難陀曰此地方所是迦攝波佛所住之

寺此是經行處此是廊宇門屋洗足之處此
是淨廚地此是浴室處汝等應知是時鄒波
離白佛言世尊如佛所說淨不淨地者不知
齊何名淨不淨佛言乃至正法住世有淨不
淨正法若滅悉皆不淨世尊齊何名正法住
世云何名滅佛告鄒波離乃至有秉羯磨有
如說行者是則名爲正法住世若不秉羯磨
無如說行是則名爲正法滅壞
復白佛言若無上大師在於界外苾芻得秉
羯磨不佛言不得若大師在於界內餘人得
秉羯磨不佛言得又得以世尊足僧數不佛
言不得佛寶僧寶體差別故於不可越界得
越過不佛言不得大德不知有幾不可越界
佛言有其五種謂苾芻界苾芻尼界小壇場
現停水處二界中間大德若有深塹及以可
澗不可越界頗得越不佛言若常有橋梁越
之非咎如其橋梁破壞得齊幾時名不失界
佛言得齊上夜此據有心修理無心修理隨

破即失若有苾芻正結界時秉羯磨者忽然命過得成結不佛言若知標相所作羯磨已秉多分此雖命過得成結界若未知標相所秉羯磨未過多分此時命終不成結界若苾芻尼結界成不准此應知

第五子攝頌曰

尊一

地牆等秉事 結界無與欲 但於一處坐得為四羯磨

緣在室羅伐城具壽鄔波離請世尊曰在地居人共地居者遙秉羯磨得成秉不佛言不成與欲得成大德在地之人與牆頭者共秉羯磨得成秉不佛言不成大德在地之人與樹上者共秉羯磨得成秉不佛言不成大德在地之人與居空者共秉羯磨得成秉不佛言不成應知以樹牆空為頭各有四句亦如是知世尊說有百一羯磨幾合與欲幾不答與欲佛言唯除結界餘並與欲大德若以神變幻術而作標相得為標不佛言不得神力

幻術非實有故或以日月星宿為標相者得成標不佛言不得日月星宿非定住故若以水波浪得成標不佛言不得由其波浪疾移轉故若苾芻為他持欲淨秉空而去此得名為持欲淨不佛言不成應更取欲若有苾芻秉一羯磨於四住處並得成不佛言得如其

四界各有四人事現前者各於其處別置三人時秉法者或席或牀或版或薦壓四界上而秉羯磨以秉法者添彼四數咸成作法如是若於四界有別事起作七羯磨等謂驅擯羯磨令怖羯磨折伏羯磨求謝羯磨不見罪羯磨不如法悔羯磨不捨惡見羯磨若作此

尊一

九

等羯磨之時其秉法人在彼四界角相近處若以席版牀薦摠壓而坐秉法皆成

第六子攝頌曰

大界兩驛半 下水上山巔 異見明相過五眾受七日

具壽鄔波離請世尊曰如世尊說應結大界



者齊幾許來是大界量佛言大界者齊兩踰
膳那半應可結之言踰膳那者當三十里是
此一驛言由旬者訛也欲

今易了故有
言驛之處

若過兩踰膳那半亦是界不佛言若過非界
向下齊何名爲大界佛言齊至水來名爲大
界兩踰膳那半外方至水者此之剩處得名

界不佛言不是向上齊何名爲大界佛言上
至樹杪或齊牆頭名爲界分大德兩踰膳那
半外方至杪頭斯之剩處得名界不佛言不
是若上山巔齊何名界佛言齊其水處兩驛
半外方至其水亦名界不佛言不是世尊若
於夏中僧伽破壞時有苾芻故從法黨向非

法黨爲是破夏爲非破耶佛言此之苾芻樂
其異見至惡黨處經明相時便即破夏若不
樂異見至惡黨處雖過明相不名破夏如世
尊說若在夏中有緣須出應受七日去者不
知何人應受佛言所謂五衆苾芻苾芻尼正
學女求寂求寂女此於何處應受佛言可於

界內隨意可向一苾芻前合掌而住作如是
語具壽存念我苾芻某甲於此住處或前或
後三月夏安居我苾芻某甲爲僧伽事故守
持七日出界外若無難緣還來此處我於今
夏在此安居如是三說或有六日事來乃至
一日准七日應受具如餘處

第七子攝頌曰

五衆坐安居 親等請日去 於經有疑問
求解者應行

具壽鄒波離請世尊曰如世尊說應夏安居
者未知誰合安居佛言五衆合作所謂苾芻
苾芻尼正學女求寂求寂女在於屏處對一

尊一

十

苾芻當前蹲居作如是說具壽存念今僧伽
五月十六日作夏安居我苾芻某甲亦於五
月十六日作夏安居我苾芻某甲於此住處
界內前三月夏安居以某甲爲施主某甲爲
營事人某甲爲瞻病人於此住處乃至若有
圯裂穿壞當修補之我於今夏在此安居第

二第三亦如是說或前或後隨意應作應知
尼亦對尼准苾芻作其求寂應對苾芻正學
女及求寂女對尼應作如世尊說苾芻坐夏
之時若有鄔波索迦等請喚之事守持七日
去者若有外道及親族等請喚亦得去不佛
言此亦應去若於三藏有疑須欲諮問亦得
去不佛言得去若苾芻未得求得未解求解
未證求證及有疑心須往開決爲斯等事亦
得守持七日去不佛言皆得若受一日二日
等准此應作

根本說一切有部尼陀那卷第一 尊一

大唐景龍四年歲次庚戌四月壬午朔十五
日景申三藏法師大德沙門義淨宣釋梵本
并綴文正字

翻經沙門吐火羅大德達磨鉢磨證梵義
翻經沙門中天竺國大德拔努證梵義

尊一

十一

翻經沙門罽賓國大德達磨難陀證梵文
翻經沙門淄州大雲寺大德慧沼證義
翻經沙門洛州崇光寺大德律師道琳證義
翻經沙門福壽寺主大德利明證義
翻經沙門渭州太平寺大德律師道恪證義
翻經沙門大薦福寺大德勝莊證義

翻經沙門相州禪河寺大德玄奘證義筆受
翻經沙門大薦福寺大德智積證義正字
翻經沙門德州大雲寺主慧傘證義
翻經沙門西涼州白塔寺大德慧積讀梵本
翻經婆羅門右驍衛翊府中郎將負外置宿
衛呂李釋迦讀梵本

翻經婆羅門東天竺國左屯衛翊府中郎將
負外置同正負呂翟金剛證義
翻經婆羅門東天竺國大首領目伊金羅證
梵本

翻經婆羅門左領軍衛中郎將迦濕彌羅國
王子目何順證義

翻經婆羅門東天竺國左領軍右執戟直中書省目頗具讀梵本

翻經婆羅門龍播國大達官准五品目李翰

羅證譯

金紫光祿大夫守尚書左僕射同中書門下

三品上柱國史舒國公目韋日源監譯

尚書右僕射同中書門下三品上柱國許國

公目蘇環監譯

特進行太子少師同中書門下三品上柱國

宋國公目唐休璟監譯

特進太子少保兼揚州大都督同中書門下

三品監修國史上柱國彭國公目韋溫監譯

特進同中書門下三品修文館大學士監修

國史上柱國趙國公目李嶠筆受兼潤色

特進侍中監修國史上柱國公韋安石監譯

侍中監修國史上柱國越國公目紀處訥監譯

光祿大夫行中書令修文館大學士監國史

上柱國鄧國公目宗楚客監譯

尊一

士

中書令監修國史上柱國鄧國公目蕭至忠監譯

翻經學士銀青光祿大夫守兵部尚書門下

三品修文館大學士上柱國道遙公目韋嗣立

翻經學士中散大夫守中書侍郎同中書門

下三品著紫佩金魚修文館學士上柱國目

趙彥昭

翻經學士太中大夫守秘書監負外置同正

負修國史修文館學士上柱國目劉憲

翻經學士銀青光祿大夫行中書侍郎修文

館學士兼修國史上柱國朝陽縣開國子目

岑義

翻經學士通議大夫守吏部侍郎修文館學

士兼修國史上柱國目崔湜

翻經學士朝議大夫守兵部侍郎兼修文館

學士修國史上柱國目張說

翻經學士太中大夫檢校兵部侍郎騎尉修

文館學士安平縣開國子目崔日用

翻經學士朝請大夫守中書舍人兼檢校吏部侍郎修文館學士輕車都尉呂盧藏用
翻經學士銀青光祿大夫行禮部侍郎修文館學士修國史上柱國慈源縣開國子呂徐堅貞

翻經學士正議大夫行國子司業修文館學士

上柱國呂郭山憚

翻經學士禮部郎中修文館直學士輕車都尉河東縣開國男呂薛稷

翻經學士正議大夫前蒲州刺史修文館學士上柱國高平縣開國子呂徐彥伯

翻經學士中大夫行中書舍人修文館學士

上柱國呂李

翻經學士中書舍人修文館學士上柱國金鄉縣開國男韋元亘

翻經學士中大夫行中書舍人修文館學士上柱國呂馬懷素

翻經學士朝請大夫守給事中修文館學士

上柱國呂李適

翻經學士中書舍人修文館學士上柱國呂蘇頌

翻經學士朝散大夫守著作郎修文館學士兼修國史呂鄭愔

翻經學士朝散大夫行起居郎修文館直學士

上護軍呂沈佺期

翻經學士朝請大夫行考功員外郎修文館直學士上輕車都尉呂武平

翻經學士著作佐郎修文館直學士呂閻朝隱

翻經學士修文館直學士呂符鳳

書手秘書省楷書令史呂趙希令寫

孔目官文林郎少府監掌治署丞呂殷庭龜

判官朝散大夫行著作佐郎呂劉令植

使金紫光祿大夫行秘書監檢校殿中監兼知內外閑廐隴右三使上柱國嗣號呂王邕

鄒波上反古反苾上反蓄上反結上反反下楚反俱反步反枝反音反秉反音反末反

拏下反尼反羯反磨上反居反謁反標反必反苗反分反齊反去反聲反

庖反蕭孝足跟根下音熙怡上許之反漸七烟版
 反小壓押音踰膳那此云四屏處餅音蹲存音圯裂比上樹反抄眉下
 根本說一切有部卷第一
 尊一

根本說一切有部尼陀那卷第二

唐三藏法師藏淨奉 制譯

第八子攝頌曰

假令不截衣 有緣皆得著 衣可隨身量

若短作簾衣

具壽鄔波離請世尊曰不割截衣得守持不

第二

佛言不得若有難緣者得著不割截衣得入
 聚落不得往俗舍不得入外道住處不佛言
 並皆不得必有難緣者亦無犯者不割截衣
 得於外道舍坐不佛言不得若外道不在舍
 時坐亦無犯如世尊說稱肘量衣方合持者
 若人身大肘短亦依肘量而作衣耶佛言此

人應取身量為衣設取身量仍不周遍佛言
 若不遍者應縫作厥蘇洛迦衣而守持之此
 為常長四肘闊二肘縫之使合入中牽上以
 其繫之迷如餘處昔云祇修羅者人皆不識
 五衣之數也應譯為裙

第九子攝頌曰

不畜五種皮 由有過失故 開許得用處

齊坐卧容身

具壽鄔波離白佛言世尊如世尊說象王之
 皮不作鞋用者餘之象皮得為鞋不佛言此
 亦不得所以者何此象亦有鼻牙力故如世
 尊說智馬之皮不應將作鞋者餘馬之皮得
 為鞋不佛言不得此亦能走有大力故如世
 尊說師子虎豹之皮不應為鞋者雖非此
 獸是此類皮得用作不佛言不得斯等亦有
 爪牙力故如世尊說若此諸獸皮皆不應坐
 餘合坐者齊大小來而得畜用佛言齊容坐
 處應畜如世尊說皮合卧者齊大小皮應卧
 佛言纔可容身畜之無犯



第十子攝頌曰

生肉及諸醋 有五種不用 痔病爪不傷
迴施知希望

余時薄伽梵在室羅伐城具壽鄒波離請世尊曰如大德說開四羯多苾芻爲病因緣得食生肉者不知於何處當取佛言於五屠人處取云何爲五謂是殺羊雞猪捕鳥獵獸者大德誰當合取佛言令敬信者取令誰授與佛言還遣信人於此城中時有苾芻身遭疾苦詣醫人所問曰我有瘡渴病賢首願爲處方醫人荅言宜可服酥必當平復苾芻報曰佛未聽許爲病服酥醫人荅曰世尊大悲爲病所須亦應開服時諸苾芻以緣白佛佛言苾芻爲病醫遣服酥者應可服之時病苾芻雖已服酥仍患渴逼醫人問曰尊者服酥氣力何似苾芻荅曰猶被渴逼醫人報曰酥不苦者酸漿諸醋何不飲之苾芻荅曰世尊不許非時而飲云何得服醫人報曰世尊慈悲

爲病所須亦應聽服時諸苾芻以緣白佛佛言我今開許應飲醋漿時諸苾芻不知何者醋漿如何當飲復往白佛佛言醋漿有六皆可服用一大醋二麥醋三藥醋四小醋五酪漿六鑽酪漿此等醋漿若欲飲時應以少水滴之作淨仍用絹疊羅濾澄清如竹荻色若時與非時有病無病飲皆無犯勿致疑惑言大醋者謂以砂糖和水置諸雜果或以蒲桃木蜜餘甘子等久釀成醋麥醋者謂磨麴麥等雜物令碎釀以成醋藥醋者謂以根莖等藥酸棗等果釀之成醋小醋者謂於飯中投熱饋汁及以飯漿續取續添長用不壞酪漿者謂酪中漿水鑽酪漿者謂鑽酪取酥餘漿水是於此城中時有苾芻身患痔病其頭下出便以爪甲截去極受苦痛逼切身心不能堪忍便生是念我遭此苦極爲難忍世尊大慈寧不哀愍小時世尊由大悲力之所引故至苾芻所問言苾芻汝何所苦時病苾芻即

緣二

三

便合掌瞻仰世尊憂情內感流淚哽噎具以
病苦而白世尊佛告苾芻豈我先時不遮汝
等患痔病者不應截去白言世尊佛已不許
若尔何故汝今作如是事白言世尊為苦所
逼佛言為苦逼故汝無有犯今告汝等雖患
苦逼不以爪甲等而截其痔然治痔病有其

二種或時以藥或復禁呪若有苾芻雖遭苦
痛其痔不應自截亦不使他截如違教者得
越法罪

尔時世尊告諸苾芻曰此痔病經我於餘處
已曾宣說今為汝等更復說之若誦特者必
得除差若有誦者乃至盡形終無痔病共相

逼惱亦得宿命智能憶過去世時七生之事
即說呪曰

怛姪他 阿魯泥 去 末魯泥 鼻泥 俱麗

婆鞞世沙婆鞞 三婆鞞 莎訶

汝等苾芻若誦呪時復作是說於此北方有
大雪山王中有大樹名薜地多樹有三花一

名相續二名柔軟三名乾枯如彼枯花至乾
燥時即便墮落我之痔病或是風痔熱痔癢
痔血痔糞痔及餘諸痔亦皆墮落乾燥勿復
血出膿流致生苦痛即令乾燥莎訶
又復呪曰

怛姪他 苦謎 苦末泥 去 莎訶

時諸苾芻聞佛說已歡喜奉行

尔時世尊於釋迦住處在那維商人聚落是
時彼村有一長者素有信心情懷喜捨造一
住處奉施尊者羅怛羅尔時尊者住未多時
執鉢持衣人間遊行長者聞去作是思惟尊
者遊行未知來不便將此寺奉施僧伽羅怛
羅隨情遊訖執持衣鉢還詣那維商人處問
知施僧即往佛所頂礼雙足而白佛言有一
長者素有信心情生敬重造一住處獨施於
我住少多時我有緣出去後不久將施餘僧
我欲如何願佛為汝世尊告曰汝可詣彼長
者之處作如是言仁不於我若身語意曾生

楊二

四

片許厭惡心耶羅怛羅奉佛教已詣長者處告曰仁非於我若身語意曾生片許厭惡心耶長者答曰我於尊處曾無此意羅怛羅還詣佛所具陳長者無厭捨心

尔時佛告阿難陀曰汝往詣彼那維村中現住苾芻惣令集在供侍堂處時阿難陀奉佛

勅已便詣彼村至住處已告苾芻曰應可並集供侍堂中時阿難陀既言告已還詣佛所頂礼雙足而白佛言我已往彼那維村中謹宣聖旨現住苾芻咸皆已集尔時世尊將諸苾芻及羅怛羅至彼寺已就座而坐告諸苾芻曰汝等應知若有施主以所施物施一別

人後時復迴此物施一別人此則施者非法受者亦非法名不淨受用如是若更迴與二人或與三人或與僧伽斯等皆名施不如法受不如法不淨受用汝等苾芻若有施主以所施物施二別人後時復迴此物施一別人此則施者受者俱名非法所有受用皆是不

淨如是若更迴與二人三人或與僧伽施者受者俱名非法所有受用皆是不淨汝等苾芻若有施主以所施物施三別人後時復迴此物施一二三人或與僧伽施者受者俱名非法所有受用皆是不淨汝等苾芻若有施主以所施物施與僧伽後時復迴此物施與

第二

五

一二三人或與餘僧伽施者受者俱名非法所有受用皆是不淨若先施苾芻僧伽後迴與尼僧伽或復翻此皆名不淨汝等苾芻若其僧伽破為二部先施此部復將此物迴與彼部乃至皆是不淨受用汝等苾芻若施一人不迴與一人施者受者皆名如法所有受用皆名清淨如是若施二人三人僧伽此尼此部更不迴與餘者乃至受用皆名清淨如上廣說汝等苾芻前是施後非施汝等苾芻地屬於王物屬於主房舍卧具施主為主衣鉢資具苾芻為主所有施寺等物若有破落施主應自修補不應持此迴施餘人先施是